

Datum: 4 November 2022

Geagte Belangstellende en Geaffekteerde Party,

KENNISGEWING VAN 'N OMGEWINGSIMPAKSTUDIE EN

OPKOMENDE PUBLIEKE VERGADERINGS

**NABAS DIAMANTE (EDMS) BPK DOEN AANSOEK VIR 'N MYNREG,
OMGEWINGSMAGTIGING, AFVALBESTUURS LISENSIE ASOOK WATERGEBRUIK
LISENSIE VIR DIE VOORGESTELDE OPRIG EN BEDRYF VAN GRASDRIFT DIAMANT
MYN OP DIE LINKER OEWER VAN DIE ORANJERIVIER OP DIE PLAAS NO. 11
(GRASDRIFT), RICHTERSVELD MUNISIPALITEIT, NAMAKWA DISTRIK, NOORD-KAAP
PROVINSIE, SUID-AFRIKA**

DMHE Verw. no. NCS 30/5/1/2/2/10211 MR

Naledzi Omgewingskonsultante (Edms) Bpk is aangestel as die onafhanklike omgewingsevaluerings-praktisyn (OEP) om die Omgewingsimpakstudie (OIS) proses uit te voer ter ondersteuning van Nabas Diamante (Edms) Bpk se aansoek vir 'n mynreg, omgewingsmagtiging asook 'n afvalbestuurlisensie vir die oprig en bedryf van die voorgestelde Grasdrift myn op die Restant van die Plaas Richtersveld No. 11 (Grasdrift).

Die aansoek gebied is 2692 ha groot en geleë op die linkeroewer van die Oranjerivier binne die Ai Ais Richtersveld Nasionale Park, 140km oos van Alexanderbaai en 250km noord van Springbok binne Richtersveld plaaslike munisipaliteit in die jurisdiksie van die Namakwa Distrik van die Noord-Kaap Provinsie van Suid Afrika.

Dit is 'n vereiste, as deel van die OIS publieke deelname proses, om Belanghebbende en Geaffekteerde Partye (B&GPe) in te lig oor die voorgestelde projek en omgewingsmagtiging prosesse sodat ons u kommentaar en aanbevelings oor die projek kan in win.

Hierdie brief dien as kennisgewing van die projek en vestig u aandag op die volgende:

- Die geleentheid om te registreer as 'n Belangstellende en Geaffekteerde Party (B&GP);
- Die beskikbaarheid van 'n Agtergrondinligtingsdokument (AID) vir kommentaar
- Vier opkomende publieke vergaderings op 16 en 17 November 2022 in Eksteenfontein, Lekkersing, Kuboes and Sanddrift.

1. Registreer as 'n B&GP

U word hiermee uitgenooi om te registreer as 'n B&GP op die projek en aan die proses deel te neem deur kommentaar te lewer deur die Registrasie en Kommentaarblad wat by die aangehegde Agtergrondinligting-dokument (AID) ingesluit is, te voltooi. .

2. Agtergrondinligting-dokument (AID) beskikbaar vir publieke kommentaar

Die aangehegde AID verskaf 'n oorsig van die Omgewingsimpakstudie proses en nooi B&GPe uit om deel te neem en te registreer vir die proses. 'n Tydperk van 30 dae vanaf 4 November tot 5 Desember 2022 word voorsien om enige kommentaar of besware aan te teken i.v.m die aansoek.

Die AID en gepaardgaande Registrasie- en Insae vorm is beskikbaar in Engels en Afrikaans vanaf die Naledzi-webwerf by www.naledzi.co.za/publicdocuments. Alternatiewelik kan u die OEP skakel vir 'n afskrif van die AID. Gedrukte kopieë is ook beskikbaar by die volgende openbare biblioteke in die projekgebied:

- Kuboes, Eksteenfontein, Lekkersing, Sanddrift en Port Nolloth; asook
- Alexander Bay Richtersveld GEV Kantore

Registreer en rig u kommentaar tesame met u naam, kontakbesonderhede en belang in die projek aan Marissa Botha (Naledzi) na botham@naledzi.co.za of skakel ons by 084-226-5584 vir meer inligting. Registrasies en insae moet ingestuur word teen **5 Desember 2022**. Neem asseblief ook kennis dat slegs geregistreerde B&GPe in kennis gestel sal word van enige toekomstige projekkenisgewings/inligting na verstryking van hierdie registrasietydperk.

3. Kennisgewing van publieke vergaderings op 16 en 17 November 2022.

B&GPe word ook genooi om die onderstaande geskeduleerde openbare vergaderings vir die projek by te woon waar die OEP 'n oorsig sal gee van die projek asook die OIS-proses wat gevolg word. Registrasie- en kommentaarblaaie sal ook beskikbaar wees en kan by die vergaderinglokaal voltooi word.

| Datum | Vergaderinglokaal | Tyd |
|------------------|--------------------------|------------|
| 16 November 2022 | LEKKERSING SAAL | 10H00 |
| 16 November 2022 | EKSTEENFONTEIN SAAL | 14H00 |
| 17 November 2022 | KUBOES V GK KERK SAAL | 10H00 |
| 17 November 2022 | SANDDRIFT SAAL | 14H00 |

Registrasie- en Kommentaarvorms sal ook by die vergaderlokaal beskikbaar wees en kan na afloop van die vergaderings voltooi en by Naledzi ingedien word.

Wat is volgende?

Alle kommentaar of besware ontvang gedurende die publieke registrasie en kommentaar tydperk, sal vervat word in 'n Insae- en Terugvoerverslag (ITV) en sal ons daarvolgens terugvoer gee.

Ons sal 'n konsep Omvangsbepalings verslag vir die projek voorberei wat vir 30 kalenderdae vir publieke kommentaar beskikbaar gestel sal word. Die ITV-besonderhede sal by die verslag ingesluit word, insluitend enige skriftelike kommentaar. Die verslag en meegaande dokumentasie sal beskikbaar gestel word op die Naledzi-webtuiste en by dieselfde openbare areas as die AID.

Naledzi sal die beskikbaarheid van die konsep Omvangsbepalingsverslag aankondig aan geregistreerde B&GPe deur koerant advertensies, per e-pos/telefonies.

Byvoorbaat dankie vir u deelname.

Vriendelike groete,

A handwritten signature in black ink, appearing to read 'M Botha', with a long horizontal stroke extending to the right.

Marissa Botha (*Pr.Sci.Nat*)
Naledzi Omgewingskonsultante (Edms) Bpk
Eenheid 112, the Office Park, Erf 352
Schoeman Straat, Polokwane, 0700
Sel: 084 226 5584
E-pos: botham@naledzi.co.za

Alternatiewelik, skakel die projek OEP:

Prof. Desmond Musetsho by 083-410-1477 of u kan 'n epos stuur aan dmusetsho@naledzi.co.za